

東莞 鄧 淳 粹如編輯

番禺 儀克中 協一參訂

墓域

鼻天子冢

始興縣南二十里有鼻天子冢或以為象然象之稱天子何也史記云禹踐天子位堯子丹朱舜子商均皆有疆土以奉先祀服其服禮樂如之以客見天子天子弗臣象當時豈以天子之弟亦載天子旌旗為禹賓客隱然有天子之望歟其或堯為摯之弟代為天子象當時亦嘗為禹所讓幾幾有代位之事有鼻之人屬望因亦稱之為天子歟山海經稱丹朱曰帝則亦可稱象天子歟其葬始興也或當舜南巡狩象嘗朝見於南嶽因從舜以至曲江始興之閒象薨即葬於其地歟零陵縣今有有鼻墟而道州亦稱有庠

嶺南叢述

卷三十一

墓域

地有庠者何有鼻也豈有鼻之地甚廣自零陵至始興皆象之封內歟然舜嘗於曲江奏簫韶曲江在始興下流舜崩葬九疑而商均窆其陰大荒南經稱赤水之東蒼梧之野舜子商均所葬舜崩而子弟陪葬禮也始興密邇九疑何當時臣庶不以象陪葬抑象薨在舜陟方之先歟括地志爾鼻亭神在道縣北六十里相傳舜葬九疑象嘗至此後人因立祠名鼻亭神則象薨於舜陟方之後可知矣傳曰舜葬蒼梧象為之耕象舜之弟也耕者其為兄守視祭田歟九州之大舜乃封象有鼻以為其寢陵主豈舜故有神靈先知其將崩於蒼梧歟象既篤友愛之情自宜遺命陪葬梧野今二冢相望數百里而遙豈舜神明之所安歟禮記曰舜葬蒼梧二妃不能從或謂二妃葬衡山衡山在零陵郡地去蒼梧不遠何當時二妃亦皆不得耐葬歟吾聞象有神靈宋時有掘鼻天子冢者見銅人數十擁笏列侍俄聞墓中擊鼓大呼噪懼弗敢入豈象時

已有銅人殉葬之事歟然零陵嘗得白玉琯乃西王母所獻而舜以殉葬者則象冢中亦宜有異寶歟舜之親愛天下莫不聞知當烝烝乂時象既爲舜所化必有功德於其國國人之不敢犯斯冢也自有虞時至宋亦云久矣舜崩四海喪之如考妣愛象者所以愛舜也舜放驩兜崇山以變南蠻考書疏崇山在衡嶺之間與有鼻不遠南蠻風俗於變爲中華意象必有力焉南裔之人爲之建祠廟守邱墓必不偶然子嘗欲至其冢立一豐碑書之曰古帝舜之弟有鼻國君之冢以示後人或曰按越滅吳遂有南海其後越爲楚所滅越王子孫自丹陽臯鄉人始興有臯天子城其曰臯天子墓者或越王子孫死葬始興因稱墓曰臯天子不可知鼻者臯字之譌也曰天子者勾踐大霸稱王其子孫因僭稱天子也則亦一說也

廣語

盤古氏墓

嶺南叢述

卷三十一

墓域

盤古氏墓在南海蠻峒中亘三百餘步相傳云後人追葬盤古之魂也兩廣峒蠻多相傳爲盤瓠之後或譌爲盤古云

述異記

文種墓

廣州東界有大夫文種之墓墓下有石爲華表柱石鶴一隻卽越王勾踐之謀臣也

述異記

蒲媪墓

秦蒲媪墓晉康志昔有溫氏媪者端溪人於水澚得一卵大如斗持歸置器中經數日忽有一物如守宮長尺餘穿卵而出能入水捕魚媪一日治魚誤斷其尾遂去數年乃還始知其爲龍也媪死瘞于江陰龍子嘗爲大波至墓側縈浪轉沙以成墳蒲誤作溫舊志墓在州東一百里悅城之南一夕五龍移於北岸凡洪水淹沒週圍皆濁而近墓數尺獨清云按蒲媪龍母也本蒲姓秦始皇時人見孝通廟注及萬歷雜志以爲晉時人誤也

德慶州志

任囂墓

秦南海尉任囂墓在西城內南海古蹟記囂廟在法性寺前道東四十餘步廣民歲時祀之墓在廟下法性寺今光孝寺也而墓與廟俱不存南海百詠光孝寺後有楚冢宋時有發之得寶玉劍佩之類予疑楚冢卽任囂冢蓋囂墓相傳在南海縣治西北二里光孝寺正其地也廣語

趙佗墓

越王趙佗墓山在南海南自雞籠岡北至天井連岡接嶺佗葬輜車四出棺崩無定處吳黃武中交州從事吳瑜訪佗墓莫能得獨得越王趙嬰齊墓珠襦玉匣玉璽金印銅劍之屬南海古蹟記番禺雜志云在縣東北二百步耆舊相傳陀死營墓者數處及葬喪車從四門出故後不知墓之所在惟菖蒲澗側石馬舌上有云山掩何年墓川流幾代人遠同金騾裏近似石麒麟時莫解之但疑其墓嶺南叢述卷三十一 墓城

不遠蔡如松云舊說卽悟性寺是也今蒲澗之南平原中枯塚纍纍數千人猶謂趙王疑塚南海百詠禺山南至番山五里二山相屬如長城南控溟海木棉松柏刺桐之屬一望蔥青實爲靈穴之所結故佗墓營焉廣語

趙嬰齊墓

南越明王趙嬰齊墓在番禺縣今不可考黃南越志云黃武五年孫權使呂瑜訪鑿佗墓卒不可得掘嬰齊墓得珠襦玉匣三具金印三十六一皇帝信璽一皇帝行璽又得印三紐銅劍三枚並爛若龍文其一刻曰純鈞二曰干將三曰莫邪皆雜玉爲匣寰宇記後瑜攜劍經贛上飛入江中南海古蹟記

鄧宓墓

鄧宓墓在番禺城北馬鞍山馬援南征駐兵岡上每風雨晦冥若有兵馬踪之得宓墓黃志

陳元墓

陳元墓在封川縣北六里矮岡上一統志

羅威墓

羅威墓在番禺東北黃陂堡羅山上有石十餘丈申有巖可坐三五十人黃志

董正墓

漢徵士董正墓山在番禺東正州人清白不羣晉隆和太守袁彥伯求其後旌之南海古蹟記

葛洪衣冠塚

晉葛洪衣冠塚在羅浮山冲虚觀後洪尸解葬其衣冠黃志

盧循母墓

博大山在番禺東山有盧循母檀氏墓東南有盧堠循浮海與吳隱之戰立峯堠處山下溪有神鼎唐劉禹錫使人引之鼎耳斷而

嶺南叢述卷三十一 墓域

旋沒執之者耳盡痛南海古蹟記

六祖髮塔

六祖髮塔在廣州光孝寺佛殿後六祖初剃度時其徒為藏髮於此蓋髮塚也佛以膚髮為垢濁委而去之顧乃作塔以藏之使人見而瞻禮是猶有我相在也失其旨矣廣語

僧大顛墓

僧大顛墓在潮陽靈山寺東有發視之骨皮盡化唯舌根尚存復瘞之名瘞舌塚宋至道中鄉人又發之唯古鏡一員而已乃疊石藏之如故黃志

僊人壙

僊人壙在筍竹岡山顛相傳為僊人遺蛻所藏禱雨輒應花縣志

古將軍墓

將軍墓在永安古名都下陳田將軍姓字不詳自建縣未有祀者

常有光氣燭天相傳為古將軍墓下有銅鼓石一片不嘗作響有
閩人翁文珪者省墓築室於旁其石輒響大響則翁氏有大慶小
響則翁氏有小慶世世衣冠人謂即將將軍後裔云廣語

王野人墓

唐王野人體靚墓在羅浮佛寺南岡黃志

王博武墓

唐王博武墓武許州人會昌中侍母至廣州值暴風母溺死博武
自投於水嶺南節度使盧真憐人沉水獲二屍焉乃為葬之表其
墓曰孝子墓詔為刻石黃志

張九齡墓

唐張九齡墓在曲江縣城西二十里武臨源御史大夫徐浩撰神
道碑宋郡守譚粹公外家十代孫也歲躬致祭宣和中郡守陳逸
時行奠禮植松千株紹興中舍人朱翌白太守蘇泳以公墓在法

嶺南叢述

卷三十一

墓域

五

應祀歲以為常正德間布政吳廷舉重建饗堂編夫看守黃志

馮盎墓

馮盎墓在新會北盎世為南越首領祖父寶守高涼聘譙國夫人
洗氏寶死洗懷集百越斬歐陽紇陳給洗鼓吹麾幢至盎三世武
德中盎將南越眾附唐南海古蹟記越國公馮盎墓在電白縣東南十
五里有碑曰馮府君之墓黃志

回回墳

唐開海舶西域回教默德那國王謨罕驀德遣其母舅番僧蘇哈
白賽來中土貿易建光塔及懷聖寺寺塔告成尋歿遂葬於此郭志
回回墳在廣城北門外建於唐貞觀三年其墳築拱頂形如懸鐘
人人內語聲相應移時方止故俗呼為響墳自唐迄今千餘年鄉
人敬畏不敢近墳樵採元至正閒雷薩都刺十七家居粵看寺及
墳明季命回教世襲指揮駐廣州因是兵民日盛各姓每年必詣

響墳瞻拜誦經至今相沿不替而西域諸國服其化每航海萬里來粵以得詣墳瞻拜爲榮雖極尊貴者至此亦匍匐膜拜於戶外極其誠敬焉羊城蕃人塚在城西十里纍纍數千皆南首西向
百詠

劉氏陵山

劉氏之墓也在郡之東北二十里漫山皆荔子樹龜趺石獸歷歷具存昔有發其墓者其中皆以鐵鑄之予嘗至此地摩挲斷碑不見始末但見其詞皆是葬婦人墓誌考之偽史疑是懿陵也他尚有數處如南海縣宣風鄉及番禺黃陂新會上臺玉環了髻山等處皆有之南海百詠

劉謙墓

劉謙墓在封川縣北十里劉王岡劉隱墓亦在此

一統志

劉龔墓

嶺南叢述

卷三十一

墓域

六

劉龔墓在番禺東二十里其地有南亭北亭海潮圍繞中不過十餘里墓在北亭洲旁疑卽昌華苑地廣語崇禎九年秋洲間有雷出奮而成穴一田父見之投以石空空有聲乃內一雄雞夜盡聞雞鳴於是率子弟以入堂宇豁然珠簾半垂左右金案玉几備列有金人十二舉之重各十五六觔中二金像冕而坐若王與后重各五六十觔旁有學士十八以白銀爲之地皆金蠶珠貝所築旁有便房當窻一寶鏡大徑三尺光燭如白日寶硯一硯池中有一玉魚能遊動碧玉盤一以水滿注其中有二金魚影浮出他珍異物甚衆不可指識田父先持鏡歸光動隣舍亟撲碎之有一珠人夜輒作怪狀懼而棄之於是隣人覺而爭往遂白邑令令亟臨其地視搜發令得玉枕一金人四以歸玉枕作臥虎形長可尺許大小珠見風悉化灰土口含之而出乃得完好承棺有黃金磚四棺旣斧碎有懷其髮齒以出者一碑當穴門中立辭稱高祖天皇大帝

哀册文翰林學士知制誥正議大夫尙書右丞相紫金袋臣盧應
敕撰並書其所爲大帝者崩於歲壬寅四月甲寅朔越二十四日
丁丑號爲大有十五年葬以光天元年陵曰康陵蓋劉龔墓也精華

劉鋹墓

劉鋹墓在韶州治北六里白虎山宋太祖嘗封鋹爲南越王故亦
曰越王山降王而得返葬故國如鋹者在昔無幾宋太祖之仁也

廣語

鎮象塔

鎮象塔在東莞署西南南漢禹餘宮使邵廷瑁建南海古蹟記資福寺
南百步有鎮象塔南漢時羣象踐踏傷民禾稼廷瑁帥兵五百往
捕殲之埋其骨上建石塔以鎮周圍刻心經嶺海見聞

劉王女墓

嶺南叢述

卷三十一

墓域

七

劉王女墓在陽江縣東王女名素馨葬於此其塚上生耶悉茗花

園名素馨

陽江縣志

素馨斜

素馨斜在廣州城西十里三角市南漢葬美人之所也有美人喜
簪素馨死後遂多種素馨於冢上故曰素馨斜至今素馨酷烈勝
他處以彌望悉是此花又名花田廣語南漢劉鋹有美人小字素馨
故名瓠珠江南岸庄頭村其花較多者乃後人之繁植也考之各
志當以三角市爲是羊城古鈔

梁家龜葬

瀕海素少士人祥符中廉州人梁氏卜地葬其親至一山中見居
人說旬日前有數十龜負一大龜葬於此山中梁以爲龜神物其
葬處或是福地與其人登山觀之乃見有邱墓之象試發之果得
一死龜梁乃遷葬他所以龜之所穴葬其親其後梁生三子立儀

立則立賢立則立賢皆以進士登科立儀嘗預薦皇祐中儂智高平推恩授假板官立則值熙寧立八路選格就二廣連典十餘郡令爲朝議大夫致仕予亦識之立儀立則則皆朝散郎至今皆在徙居廣州鬱爲士族至今謂之龜葬梁家龜能葬其事已可怪而梁氏適興其偶然耶抑亦神物啟之耶

沈括補筆談

青灣碑

碑乃韓魏公會孫遭貶瓊南樵三子留一子居白沙後沒葬於青灣七世孫曰顯甫刊公戒子孫文於碑置墓側現存春色清且明節盛一百五寒食遵遺俗潑火霽微雨菲材忝國恩因病得吾土何以知殊榮此日奉宗祖新安維皇考豐安則王父松楸數萬株岡勢擁城府二塋相去間近止一舍許前曉揭星牙蠲潔具巵俎芬馨達孝誠儼若侍容語禮成無一違觀者競墻堵退惟予小子未老磨旄斧顧已胡能然世德大門戶思爲後嗣誠永永著家矩

嶺南叢述

卷三十一

墓域

八

子姪聽吾言汝各志心誓汝曹生綺紉得仕匪艱苦學業勤則成富貴皆自取仁陸周吾親忠義報吾主開須求便官墳壙善完補死則托二塋慎勿葬他所得與祖宗遊魂魄遂寧處毋惑葬師言昔親求福祐有一廢吾言汝行則夷虜宗族正其罪聲伐可鳴鼓宗族下繩之鬼得而誅汝咸淳己巳孟夏既望七世孫顯甫謹刊

石崖志

崔菊坡墓

宋右丞相崔與之墓在增城縣西歸仁鄉雲母都古華山麓

黃志

朝雲墓

東坡侍妾朝雲墓在歸善縣西湖孤山舊棲禪寺側

歸善縣志

宋宗姬墓

宋宗姬墓在東莞石井獅子嶺姬宋康王女遭靖康之亂播遷邑人鄧銑獲之配其子克明生男四人林槐杞梓林以母手書上問

光宗賜祭田十頃志墓在東莞其裔孫在新安因宋時新安尙屬莞至今兩縣志皆載並非附會也東莞草志

余靖墓

宋尙書余靖墓在曲江城西四十里成家山歐陽修撰墓碑明嘉靖閒巡按陳大用叅政詹瀚奉詔重建享堂編夫看守曲江縣志

永福陵

宋端宗永福陵在新會縣厓山張世傑葬端宗於此一統志舊志言景炎帝崩於碙洲至香山殞馬南寶家後葬壽星塘山中有陵跡五處莫知真陵所在填海錄則以為在厓山填海錄鄧光薦家所傳光薦嘗隨駕目擊其事則陵在厓山無疑宋論云考諸野史景炎葬於海濱亂山之中民為之諱其處世莫得聞厓山志番禺客語云在香山者非也相傳壽星塘陵蹟自是馬南寶偽為疑陵今亦不知所在黃志

嶺南叢述

卷三十一

墓域

九

楊太后陵

楊太后陵在厓山海濱番禺張詡銘云朝闕夕廣提二弱孤依臣張陸為宗社圖所奔波者趙氏塊肉今則亡矣伊疇之屬茫茫大海履之若無止見仁義不見其軀曹娥死孝貞義死信惟后死之仁至義盡山陵峨峨尺土孔多六鰲擎負毋使隨波布政使劉大夏嘗過元陵泣然曰后死國而弗祀義弗稱謀立廟厓門之上人感其意不日而就是為全節廟廣語楊太后陵在厓山海濱時太后聞變赴海張世傑營葬倉卒莫辨其地厓山志又有宋后疑陵一在香山梅花水坡上一在饒平南澳墳頭岡嶺志按舊志宋太后全氏殂殯於梅花水坡上考宋史全太后與瀛國公入燕後削髮為尼卒於此未嘗南還也嶺志

張世傑墓

宋太傅張世傑墓在陽江壽文都平章山按宋史謂世傑死平章

山下元史謂死海陵港口平章卽海陵之東也相傳世傑死時諸將焚其屍函骨葬於潮居里之赤坎村於是遂謂陽江世傑葬處爲赤坎村矣明宏治間知縣柯昌始大封其墓陳獻章以詩弔之云大封赤坎墓昭昭惟眾聞是也黃佐則謂潮居里赤坎村乃在香山陽江無之又以此爲疑墓肇慶府志張世傑墓在香山縣西南一百五十里黃良都赤坎村黃志說郭云世傑當景炎帝殂復擁立祥興於海上與張宏範各軍於南北岸一夕忽大風雨戰皆不利世傑舟覆而薨翌早諸軍棺殮焚尸島上其中膽大如斗更焚不化諸軍號慟須臾雲中現金甲神人大聲呼云太上以我馳驅關係不小已多方措設恢復矣由是諸軍心皆不移葬之赤坎村陸秀夫作詩挽之有云曾聞海上鐵斗膽猶見雲中金甲神蓋忠義莫烈雖亡猶耿耿也秀夫從龍於淵蓋在世傑之後云崖山志張汝霖修宋太傅張公墓碑云考宋史載公溺死平章山下元史謂死海

嶺南叢述

卷三十一

墓域

十

陵港口平章卽海陵東峯隸陽江境公之薨香祝天覆舟於此無疑而故一統志卽據是以定公墓何也黃淳志載公死諸將得其屍焚之函骨葬潮居里赤坎村阿今封平章山墓陳公甫以詩弔之曰大封赤坎墓昭昭眾所聞至黃才伯則曰陽江不見潮居里此地真存太傅墳若是者果孰信而孰疑耶余謂陸公於厓門負帝赴海今其墓乃在潮州嶼中蓋太傅兵敗張宏範乘勝追躡二公雖已授命殘卒故部勢不獲卽於死所從容封窆須攜之稍遠而後克葬亦固其所况赤坎村近在黃楊山麓實故潮居里地而平章所屬曰壽文都此其尤較著者史書其死而不詳其所葬後人遂以死所當之要不越才伯所稱祀在陽江墓在潮居者近是公甫之詩亦偶未深考耳香山縣志

陸秀夫墓

丞相陸秀夫墓在二城村厓山屬新會二城亦屬新會里老稱陸

秀夫墓明塚尚存秀夫死厓山而葬於二城理或有之至今人指
二城爲忠臣山厓山志案黃志秀夫墓在潮州而厓山志復有此說

忠義之神何所不之卽以爲在新會無不可也故並著之旣郡守

葉元玉復張詡求陸丞相墓書承命求陸侍郎墓訪得本郡有高
士陸大策者爲童稚時得聞其先人云南關陸氏尚有忠貞神主
在堂又有墓在澳山北青徑口及譜存焉惜乎譜遭兵燹不完存
者僅二葉耳亟索而讀之公諱秀夫字君實諡曰忠貞乃楚州鹽
城人也後徙家鎮江宋景定初進士性沈靜不苟求知矜莊終日
未嘗少有希合李庭芝鎮淮南辟置幕中擢以參議德祐初復擢
禮部侍郎使軍前議和不就二王走溫州追從之益王立福州進
端明學士簽書樞密院事時君臣播越海濱每朝會閒儼然正笏
立如治朝以陳宜中譖遂謫于潮公四子有曰繇者好魚獵而放
跡海島繇以壽終于潮而未破爛不知所云其二葉有水村劉瑾

嶺南叢述

卷三十一

墓域

七

詩一章云天地無托足海天同隰光明知復何爲不忍墮三綱裸
薦凱少延謳歌寧遠忘或者莒在齊聊且帝一方竭歷意委頓臣
謀非不臧運去天莫畱力盡心彌強終不負吾主名義天地長懷
璽隨龍遊舉意水中央斯人文華士乃爾百鍊鋼機雲儻通譜應
羞朝洛陽又家藏廣陵牡丹卷破爛已甚詩讀不能句後偶見白
石樵唱稿乃宋淳祐間林霽山所著中有題陸大叅秀夫廣陵牡
丹詩卷云南海英魂叫不醒舊題重展墨香凝當時京洛花無主
猶有春風寄廣陵大策又於丁巳年行弔海邊陳秀才家默念其
宗在彼也因訪問鄉人此有陸氏何在或答云陸姓住於沙岡其
地相去不遠又云此陸皆宋陸丞相之後也今學士館其址尚存
時大策直造其地請陸氏老者見老者曰自宋而來吾乃陸學士
之後也自祖居於此其後子孫散處有家城南者有家城東者大
策曰翁自稱陸氏之後有據乎老者引大策入左畔青麻園指其

地曰此學士館基遺址也其蓮花石礫約丈許天井堦闌次第如故大策曰我聞陸丞相盡驅妻子赴海寧復有子孫乎老者曰自先人相傳陸學士有一子好魚獵被逐遂家海島後學士奉宋幼主於此澳識其地也老者言訖大策始告曰吾正城東陸也老者設飯待大策而別生得此甚喜但云墓于澳山北青徑口蓋此一處海面有隆南青深四澳青徑口又不知屬何澳也今大策既為陸侍郎後即當遣人并強大策親往必求其所謂青徑口者儻墳竟不可求生當於韓文公祠堂左山下稍寬平處構一祠專祀之庶忠魂得以少慰焉

厓山志

陸秀夫母墓在饒平縣東南澳山北青

徑口

一統志

相傳秀夫少子九郎墓在焉

金志

文丞相二女墓

宋文丞相二女墓在連平州城東南八十里忠信圖蘇坑仙女橋邊二女名壽娘定娘

黃志

嶺南叢述

卷三十一

墓域

十三

香頭墳

香頭墳在新寧縣境宋末帝舟次厓門新寧有伍隆起者以三世受國厚恩非死不報於是貢米七千石率其鄉人捍衛時賊臣張宏範已入廣州隆起奮身與戰累日不沮潛為其下謝子文所殺以首投降丞相陸秀夫使人收葬以香為首其墳因曰香頭墳子銘之曰天生沉檀以為君首血肉非香烏鳶所有斲以良工其大如斗玉粹金純黃泉不朽

廣語

李恭人墓

李恭人宋何世忠妻墓在番禺縣何大山開寶間出粟餉軍勅封恭人給賜山田以葬陳白沙以詩吊之葉春及謂窮鄉寡婦禮抗萬乘名顯天下詎不偉歟其子孫今居順德羊額增城新塘

羊城古鈔

熊飛墓

熊飛墓在東莞縣東十五里銅嶺下

一統志

何真墓

東莞伯何真墓在歸善縣筆架山下歸善縣志

邱濬墓

邱濬墓在瓊山縣西五原都五龍池水頭村南瓊州府志賜祭葬刑部尚書何喬新撰神道碑黃志

陳白沙先生墓

陳白沙先生墓在新會皂帽峯湛若水撰墓碑黃志

李子長墓

李子長墓在西樵雲路村其碑曰明抱真先生李子子長之墓霍文敏公所書也子長順德人名孔修晚於道深造年九十餘無疾卒無子至今西樵人以祭於社為社師廣語

湛甘泉墓

湛甘泉墓在增城天蠶嶺賜祭葬金志

嶺南叢述 卷三十一 墓城

丁公二子墳

丁公積知新會縣多惠政有二幼子殤葬黃雲山公既沒民為二子置祀田其墓至今不廢黃孚詩黃雲山下多黃雲雲裏鷓鴣啼小墳謂此廣語

海忠介公墓

海忠介公瑞墓在瓊山縣西濱崖賜祭葬金志

劉百戶墓

石洞志載明錦衣衛百戶劉英墓志云英薊北人善騎射弱冠襲官階昭信校尉選守九關永樂十九年奉命召胡都督于廣海過西淋魚塘口賊劫商舟英奮曰安有雀適羿羿舍之者遂傳於賊發三矢賊應弦倒商得免矢盡遇害都寧巡司以聞三司為具棺殮厝於司側屋之後獲賊磔於市而昭信之櫬竟無有歸之者歲久屋壞棺腐骸露正統戊辰南海老人廖泰遷葬於司之右而余

友良爲志宏治壬子知縣吳廷舉行部見之曰英不朽兵魚塘之事真胡人于越也而以其身爲捍非烈丈夫乎子封人樵牧不禁心甚媿之乃爲立廟遷墓廟後檄巡司清明修墓著爲合五山志林

梁文康公墓

梁文康公儲墓在番禺大觀山賜祭葬少師楊一清撰神道碑黃志

黃文裕公墓

黃文裕公佐墓在番禺縣北棲霞山泰泉書院之上諭賜祭葬郝志

黃氏三孝子墓

孝子墓凡二皆在永安其在縣北牛塘大山頭之下者孝子黃讓所葬在縣西林田張八嶺者讓子啟愚啟魯所葬父子三孝故皆稱孝子墓讓墓無碑碣然永安人無不知爲黃孝子墓者子嘗過之書於墓石曰父孝子子孝子牛塘與林田兩墳隔十里牛塘不封樹行人罔不指啟愚啟魯墓有石書曰大明孝子黃啟愚啟魯

嶺南叢述

卷三十一

墓域

十四

之墓石廣二尺長三尺五寸左右白堊刻二鶴二兔壇砌方磚五花石方圓大小不一父子事載永安志墓則予所補書云廣語

忠僮陳添桂墓

陳添桂者海陽人諸生莊蒞之家僮也蒞家海陽龍溪東溝砦家頗富饒隆慶二年巨寇林道乾率眾攻砦砦陷蒞與家人盡匿復垣之內寇執添桂詰知爲蒞家僮也窮其主所在以先避郡城爲解寇怒懼以危言其對如初已而斷左手不言復斷右手亦不言寇乃更斷其首領以去當是時蒞家人之在復垣者並聞其語及受苦楚聲甚悉然不知爲支解也比出見遇害狀異常相與慟哭添桂時年十有八未娶蒞殯之如家人子禮墓在崎溝田每伏臘享祭以報廣語

王將軍墓

王將軍墓在廣州珠江南岼三山之陽其碣曰皇明虎賁將軍晉

封縣伯電輝王公偕同節元配張氏一品夫人暨十五庶夫人之墓吾粵人所立也天下罕此墓碣榮矣廣語將軍名興字電輝大兵平粵興堅守文村年餘不下糧盡闔室自焚當事憐之葬之河南南箕村羊城古鈔

君臣塚

流花橋有君臣塚唐王與大學士蘇公葬處也橋近朝漢臺羅癭暈有詩弔之云流花橋北蔽蒿萊孰向荒原酌酒杯一死未慚俘緬日九泉休美霸齊才鐘山空有遺民泣宮樹誰為內監哀不道白雲兵燹後孤墳猶得傍朝臺夫唐王當播越之際猶以爭立日尋干戈任用儉人務為粉飾兵至城下尚不之知則粵之傾覆實其君臣貽之咎然其以死殉國亦有可嘉者塚名君臣志哀也楚庭

珠碑

彭烈女墓

嶺南叢述

卷三十一

墓域

十五

彭烈女墓在廣州大北門外百餘武烈女往為某家婢色情婉美其主已許字儉某矣一夕欲燒之堅拒不可主乃逐儉以絕其意儉臨行有言不遜主怒撻之數百肩背流血烈女遂自縊死前謂儉曰某儉受大杖凡以我也我食主與母十餘年矣顧義有所不可言短而深主懊悔無極葬之郭外番禺合馮葉表其墓銘曰夫為人奴僕乃婢子讎主不能儂則當死廣語

雙燕窩塚

從化有殷氏女者水西香家人生員朝輅女也年十六許嫁鍾氏子鍾氏子死計聞女默然徐更衣自經兩家合葬之稱其冢曰雙

燕窩廣語

新會二烈婦墓

新會吳村里有烈婦莊氏墓象山有蕭烈女墓無主丁公積為知縣割廢廟田六十餘畝命邑人守之主其祭白沙有莊節婦碑廣語

百花塚

百花塚在白雲山麓梅花坳粵妓張二喬葬處也二喬姓張名喬二喬者其字也美而工詩陳文忠復幾社南園集名流十二人喬每侍公弄筆墨賦詩善畫蘭公嘗爲題云谷風吹我襟起坐彈鳴琴難將公子意寫入美人心其眷之如此喬詩清矯有風致嘗送黎孝廉美周云大雨潮頭百尺高錦帆那惜掛江臯輕輕燕子能相逐怕見西飛是伯勞送李山人烟客云子夜徵歌特底怵奈何花月是離觴春江干折牽游舸若个津頭柳線長又云香作飛塵玉作烟輕寒微月養愁天梅花本是江南弄一疊關山倍可憐年二十一病垂危彭文學孟陽以數百金贖之喬竟不起孟陽葬之諸名士暨送者數十百人下至緇黃人各詩一章植花一本以表之號百花塚凡弔喬詩及喬傳墓志孟陽集爲一編載某人栽某花而刻喬遺像其上是時嶺表安樂富貴風流羣屐少年各尋勝

嶺南叢述

卷三十一

墓域

去

事故文忠巍然領袖其間豈意梟後下於苑臺講肆荒於馬隊而相國太僕俱授命行間南園遺芳已風流雲散不可復識况美人之黃土哉喬之墓銘則黎太僕作也誌中傳喬夢河伯來聘堅辭不獲此亦奇事噫河伯漁色乃越境耶喬有蓮香集四卷羅瘦暈見之有詩云麗顏宜早死佳句自長年彭孟陽名曰貞居中調護洵爲二喬知己矣

楚庭碑珠

畢孝女墓

孝女畢氏番禺畢村人甲寅夏兵往花山剿賊掠得之殺其父母繫女以行女中夜抽刀殺兵割截肢體棄池中天明眾從女索兵女給以上山射生未返一日見斷屍浮出問之女曰是兵殺吾父母吾故殺之以報讎死今無憾其帥欲釋之諸將不可乃射一矢以死隨殮之葬於山麓

廣語

戴節婦墓

南海人戴綺之妻鄒方娠而寡哀毀踰禮既生遺腹子晟父母憫其少勸之他適鄒截髮自誓守節三十七年而卒巡按御史姚虞銘其墓曰綺也吾夫晟也吾子吾不夫綺吾則有死吾不子晟疇奉綺祀吾祀吾綺吾心已矣於戲晟母綺妻戴婦鄒女女不二夫臣不二主我勒茲碑臣道之矩

廣語

陳清端公墓

陳清端公墳墓在雷州府城東五里東洋之五龍坡

賜祭葬

雷州府志

鴛鴦塚

曾秀璣娘東莞人許字杜姓將及笄其夫病卒欲奔喪守節不遂其志遂投繯而死葬女道經杜家里門樞忽重不能扛許其同穴扛之如飛遂合兆而葬名曰鴛鴦塚

東莞草志

共塚

嶺南叢述

卷三十一

墓域

十七

順治辛卯冬月耿精忠尚可喜兵入廣州屠戮甚慘城內居民幾無噍類其奔出者急不可渡濟溺以死復不可勝計浮屠氏真修曾受紫衣之賜號紫衣僧者乃募役購薪聚柴於東門隙地焚之累骸成阜行人於二三里外望如積雪卽於其旁築爲大坎瘞焉名曰共塚亂定後延侶結壇設伊蒲之祭番禺王孝廉有祭共塚文頗行於世

嶺南雜記

嶺南叢述卷三十一終